

**სსიპ - დავით აღმაშენებლის სახელობის საქართველოს ეროვნული თავდაცვის  
აკადემიაში აკადემიური უმაღლესი განათლების საფეხურზე გამოცდების ორგანიზების,  
ჩატარებისა და შეფასების ინსტრუქცია**

**მუხლი 1. ზოგადი დებულებები**

1) სსიპ - დავით აღმაშენებლის სახელობის საქართველოს ეროვნული თავდაცვის აკადემიაში (შემდგომში - აკადემია) აკადემიური უმაღლესი განათლების საფეხურზე გამოცდების ჩატარებისა და შეფასების ინსტრუქცია (შემდგომში - ინსტრუქცია) განსაზღვრავს აკადემიური უმაღლესი განათლების პროგრამებზე გამოცდების მომზადების, ჩატარებისა და შეფასების წესს.

2) წინამდებარე ინსტრუქცია ქმნის საფუძველს აკადემიის უმაღლეს აკადემიურ საგანმანათლებლო პროგრამებზე, შესაბამისი კანონმდებლობის საფუძველზე, ჩამოყალიბდეს ცოდნისა და უნარ-ჩვევების შეფასების ერთიანი სტანდარტები და მოთხოვნები.

**მუხლი 2. შეფასების ძირითადი პრინციპები**

1) **სანდოობა** - სანდოა შეფასება იმ შემთხვევაში თუ, შეფასების შედეგები უცვლელია, მიუხედავად იმისა, თუ ვინ და როდის აფასებს.

2) **ვალიდობა** ესაა შეფასების მეთოდის მიზანთან შესაბამისობა. ვალიდურია შეფასება, თუ შემფასებელი ზუსტად აფასებს იმას, რის შეფასებასაც ისახავს მიზნად

3) **ობიექტურობა** - ობიექტურია შეფასება, როდესაც შეფასების შედეგი არ არის დამოკიდებული შემფასებლის სუბიექტურ დამოკიდებულებებზე. შეფასება უნდა ხორციელდებოდეს წინასწარ განსაზღვრული კონკრეტული კრიტერიუმებისა და მახასიათებლების - რუბრიკის მიხედვით.

4) **გამჭვირვალობა** - შეფასება გამჭვირვალეა მაშინ, როდესაც შეფასების მექანიზმები და კრიტერიუმები ცნობილია ყველა დაინტერესებული პირისთვის

**მუხლი 3. შეფასების სიტემა**

1) ეროვნული თავდაცვის აკადემიის უმაღლეს საგანმანათლებლო პროგრამებზე შეფასების სისტემა დაფუძნებულია მიღწევების შეფასების 100 ქულიან სისტემაზე.

2) სასწავლო კურსის/მოდულის მაქსიმალური შეფასება 100 ქულის ტოლია.

3) სასწავლო კურსის 100 ქულიანი შეფასებიდან ქულები გადანაწილებულია შუალედურ (ერთჯერადი ან მრავალჯერადი) და დასკვნით შეფასებებზე.

4) დაუშვებელია იუნკერის მიერ მიღწეული სწავლის შედეგების შეფასება მხოლოდ ერთი ფორმის (შუალედური ან დასკვნითი შეფასება) გამოყენებით. შეფასება ითვალისწინებს:

ა) შუალედურ შეფასებებს;

ბ) დასკვნით შეფასებებს.

5) შეფასების თითოეული ფორმა მოიცავს შეფასების კომპონენტს / კომპონენტებს, რომელიც მოიცავს შეფასების მეთოდს/მეთოდებს, ხოლო შეფასების მეთოდი/მეთოდები იზომება შეფასების კრიტერიუმებით.

6) შეფასების კომპონენტები – შეფასების ფორმების ნაწილი, რომელიც განსაზღვრავს სტუდენტის (იუნკერის) ცოდნის ან/და უნარის ან/და კომპეტენციების შეფასების ხერხს/ხერხებს, რომელიც შეიძლება აერთიანებდეს შეფასების ერთგვაროვან მეთოდებს (ზეპირი/წერილითი გამოცდა, ზეპირი/წერილითი გამოკითხვა, პრაქტიკული/თეორიული სამუშაო და სხვ.);

7) შეფასების მეთოდი – საგანმანათლებლო პროგრამის კომპონენტში განსაზღვრული სწავლის შედეგების მიღწევის შესაფასებლად გამოსაყენებელი საშუალება/საშუალებები (ტესტი, ესე/ესეი, დემონსტრირება, პრეზენტაცია, დისკუსია, პრაქტიკული/თეორიული დავალების შესრულება, სამუშაო ჯგუფში მუშაობა, დისკუსიაში მონაწილეობა, და სხვ);

8) შეფასების კრიტერიუმი არის შეფასების მეთოდის საზომი ერთეული, რითაც დგინდება სწავლის შედეგების მიღწევის დონე.

9) შეფასების კომპონენტი, მეთოდი და კრიტერიუმი ადეკვატური უნდა იყოს საგანმანათლებლო პროგრამის კომპონენტით განსაზღვრული და მისაღწევი სწავლის შედეგების შეფასებისთვის.

10) საგანმანათლებლო პროგრამის კომპონენტების სწავლის შედეგების მიღწევის შეფასება სრულდება იმავე სემესტრში, რომელშიც იგი ხორციელდებოდა.

11) სამაგისტრო ნაშრომი ფასდება იმავე ან მომდევნო სემესტრში, რომელშიც იუნკერი დაასრულებს მასზე მუშაობას. სამაგისტრო ნაშრომი, ფასდება ერთჯერადად (დასკვნითი შეფასებით). შეფასებისას გამოყენებულია შედეგის შეფასებისთვის რელევანტური მეთოდი/მეთოდები და კრიტერიუმები და გაწერილია სამაგისტრო ნაშრომის ინსტრუქციაში და სილაბუსში.

12) საბაკალავრო საგანმანათლებლო პროგრამების შუალედური გამოცდის და შუალედური შეფასების მინიმალური კომპეტენციის ზღვრის ხვედრითი წილი განსაზღვრულია 30%-ით, დასკვნითი შეფასების მინიმალური კომპეტენციის ზღვრის ხვედრითი წილი განსაზღვრულია 40%-ით.

13) ქართული ენაში მომზადების საგანმანათლებლო პროგრამის როგორც შუალედური შეფასებების, ასევე დასკვნითი შეფასების მინიმალური კომპეტენციის ზღვრის ხვედრითი წილი განისაზღვრულია 30%-ით.

14) სამაგისტრო პროგრამების სასწავლო კომპონენტებში შუალედური და დასკვნითი შეფასებებისა და შეფასების კომპონენტების მინიმალური კომპეტენციის ზღვრის ხვედრითი წილია 51%. სამაგისტრო ნაშრომის შეფასების მინიმალური კომპეტენციის ზღვარია 51%.

15) კონკრეტული სასწავლო კურსის სპეციფიკიდან გამომდინარე, სასწავლო კურსის ხელმძღვანელი უფლებამოსილია სასწავლო კურსის სილაბუსში დაადგინოს მოცემული წესისაგან განსხვავებული მინიმალური კომპეტენციის ხვედრითი წილი. დასკვნითი შეფასების მინიმალური კომპეტენციის ზღვრის ხვედრითი წილი არ უნდა აღემატებოდეს დასკვნითი შეფასების 60%-ს.

#### **მუხლი 4. გამოცდები და მათი ორგანიზების საკითხები**

1) გამოცდა წარმოადგენს იუნკერთა ცოდნის შეფასების ინსტრუმენტს, რომლითაც, შუალედურ შეფასებებთან ერთად, დგინდება იუნკერის მიერ შესაბამისი სასწავლო კურსის სილაბუსით გათვალისწინებული შედეგის მიღწევა.

2) ცალკეული სასწავლო კურსების გამოცდების ფორმას და ხანგრძლივობას ადგენს სასწავლო კურსის განმახორციელებელი, შესაბამისი სტუქტურული ერთეულის ხელმძღვანელთან და აკადემიის შტაბის G-3/G-2 სამსახურის სამხედრო და სამოქალაქო მიმართულების სასწავლო განყოფილებებთან შეთანხმებით.

3) აკადემიაში შესაძლებელია ჩატარდეს ორი ფორმის გამოცდა:

ა) წერითი (ღია და დახურული ტიპის კითხვები, ამოცანა, დავალება, თემა, ესე და სხვა)

ბ) შერეული – ზეპირი და წერითი.

4) საკითხებს, გამოცდის როგორც წერითი, ისე ზეპირი ნაწილისათვის, გავლილი სასწავლო კურსის ფარგლებში, ადგენს სასწავლო კურსის განმახორციელებელი

პერსონალი (აკადემიური /მოწვეული პერსონალი, მასწავლებლები, ინსტრუქტორები).

5) წერითი გამოცდა საბაკალავრო/სამაგისტრო საგანმანათლებლო პროგრამებზე ტარდება ელექტრონული კომპიუტერული პლატფორმის საგამოცდო მოდულის (ILIAS, Moodle და სხვა) გამოყენებით. აღნიშნულ გამოცდებზე კონტროლს და მონიტორინგს ახორციელებს აკადემიის საგამოცდო ცენტრი.

6) საბაკალავრო/სამაგისტრო საგანმანათლებლო პროგრამებზე გამოცდის ზეპირი ნაწილის ჩატარება ხდება ვიდეო/აუდიო გადაღებით/ჩაწერით, რომელიც შეინახება ბაკალავრიატი/იუნკერთა სასწავლო ბატალიონში/მაგისტრატურაში, საგანმანათლებლო პროგრამის დასრულებამდე, ინფორმაციის შენახვის ელექტრონულ საშუალებებზე.

7) საბაკალავრო/სამაგისტრო საგანმანათლებლო პროგრამებზე რაიმე ტექნიკური მიზეზით ან მეთოდური მოსაზრების გამო, თუ წერითი გამოცდა ვერ/არ ტარდება საგამოცდო მოდულის გამოყენებით, მაშინ გამოცდა ტარდება საგამოცდო ბუკლეტების გამოყენებით, საგამოცდო ცენტრში. ამ შემთხვევაში საბაკალავრო/სამაგისტრო საგანმანათლებლო პროგრამის საგამოცდო ბუკლეტი მზადდება საგამოცდო ცენტრის მიერ, წინამდებარე ინსტრუქციის მე-8 მუხლის შესაბამისად.

8) დასკვნით გამოცდაზე დაშვებულ იუნკერთა სიას ძირითადი საგანმანათლებლო ერთეული წარუდგენს G-3/G-2 სამსახურსა და საგამოცდო ცენტრს.

9) აკადემიის G-3/G-2 სამსახურის განაცხადის საფუძველზე განისაზღვრება გამოცდების მონიტორინგის ჯგუფის შემადგენლობა, რომელიც დაკომლექტდება აკადემიის შესაბამისი სტრუქტურული ერთეულების წარმომადგენლებიდან. აკადემიის G-3/G-2 სამსახურის მიერ, გამოცდის ჩატარებასთან დაკავშირებით, განხორციელდება შესაბამისი ინსტრუქტაჟი მონიტორინგის ჯგუფის წევრებთან, გამოცდების დაწყებამდე მინიმუმ ერთი დღით ადრე;

10) აკადემიის შესაბამისი სტრუქტურული ერთეულები საგამოცდო ცენტრი, იუნკერთა სასწავლო ბატალიონი, G-3/G-2 სამსახური, (მაგისტრატურა - საჭიროებიდან გამომდინარე) უზრუნველყოფენ აკადემიის G-3/G-2-ის სამსახურის შეტყობინების საფუძველზე მონიტორინგის ჯგუფის წევრების გამოყოფას გამოცდების პერიოდში;

11) გამოცდების სწორად დაგეგმვის მიზნით, ყოველი სასწავლო წლის დასაწყისში აკადემიის ბაკალავრიატი/მაგისტრატურა საგამოცდო ცენტრს აწვდის სასწავლო წლის დამტკიცებულ გეგმა-კალენდარს.

12) აკადემიის საგამოცდო ცენტრი უზრუნველყოფს:

ა) საბაკალავრო საგანმანათლებლო პროგრამის საგამოცდო ცხრილების მომზადებას გამოცდების დაწყებამდე ერთი კვირით ადრე, რომელსაც ხელს აწერს საგამოცდო ცენტრის უფროსი, ბაკალავრიატის ხელმძღვანელი, იუნკერთა სასწავლო ბატალიონის მეთაური, აკადემიის შტაბის G-3/G-2 სამსახურის უფროსი და ამტკიცებს რექტორის მოადგილე.

ბ) იუნკერთა განთავსების გეგმის (საგამოცდო აუდიტორია, გამოცდის დრო და საგამოცდო კომპიუტერის IP მისამართი ყოველი იუნკერისათვის) მომზადებას და გამოცდების დაწყებამდე არაუგვიანეს ერთი კვირისა მის მიწოდებას იუნკერთა სასწავლო ბატალიონის, ბაკალავრიატისა და G-3/G-2 სამსახურისათვის.

13) მაგისტრატურა უზრუნველყოფს სამაგისტრო საგანმანათლებლო პროგრამის საგამოცდო ცხრილების მომზადებას გამოცდების დაწყებამდე არაუგვიანეს ერთი კვირისა, რომელსაც ხელს აწერს მაგისტრატურის ხელმძღვანელი, აკადემიის შტაბის G-3/G-2 სამსახურის უფროსი და ამტკიცებს რექტორის მოადგილე.

## **მუხლი 5. იუნკერის დასკვნით გამოცდაზე დაშვების წინაპირობები, შუალედური/დასკვნითი გამოცდის პროცედურა და იუნკერის სემესტრული შეფასება**

1) დასკვნით გამოცდაზე გასვლის უფლება ეძლევა იუნკერს, რომელსაც უკვე მიღებული შუალედური შეფასებების და დასკვნითი გამოცდის მაქსიმალური შეფასების გათვალისწინებით უგროვდება არანაკლებ 51 ქულა

2) გამოცდის დაწყებამდე იუნკერთა სასწავლო ბატალიონი/მაგისტრატურა, საგამოცდო ცენტრს აწვდის სამწყობრო ბარათს, რომელშიც მითითებული იქნება სიით და სახეზე (გამოცდაზე გამოცხადებული) არსებული პირადი შემადგენლობის მონაცემები, ასევე გამოცდაზე არყოფნის მიზეზი (საკვატიო, არასაკვატიო).

3) მიმდინარე შეფასებების უწყისები ივსება სასწავლო კურსის წამყვანი აკადემიური პერსონალის/ინსტრუქტორის მიერ და ბაკალავრიატის/მაგისტრატურის იუნკერის შემთხვევაში, დოკუმენტბრუნვის ელექტრონული სისტემის მეშვეობით, გადაეცემა საგამოცდო ცენტრს დასკვნითი გამოცდების დაწყებამდე.

4) იუნკერთა სემესტრული აკადემიური მოსწრება აისახება აკადემიური მოსწრების კრებსით მონაცემებში, რომელიც სრულდება თითოეული სასწავლო ჯგუფისათვის. კრებსით მონაცემებში აისახება პროგრამით გათვალისწინებული ყოველი სასწავლო კურსის / მოდულის მიმდინარე შეფასებების ჯამური ქულა, შუალედური და დასკვნითი გამოცდების ქულა, გამოცდის თითოეულ ნაწილში (დახურული და ღია კითხვები, პრაქტიკული დავალება, პრეზენტაცია და სხვა) მიღებული ქულების მითითებით, ასევე აკადემიური მოსწრების საშუალო სემესტრული ქულა. (დანართი 1 - აკადემიური მოსწრების კრებსითი მონაცემები, ნიმუში).

ა) აღნიშნულ დოკუმენტს ხელს აწერენ სასწავლო კურსის წამყვანი ლექტორები, საგამოცდო ცენტრის უფროსი და აკადემიის შესაბამისი სრუქტურული ერთეულის ხელმძღვანელი პირი.

ბ) აკადემიური მოსწრების საშუალო სემესტრული ქულა წარმოადგენს იუნკერის მიერ სასწავლო სემესტრის განმავლობაში თითოეულ სასწავლო კურსში/მოდულში (საგანში) მიღებული შეფასებების საშუალო მაჩვენებელს. ის გამოითვლება თითოეულ საგანში მიღებული სემესტრული შეფასებისა და საგნის კრედიტის გათვალისწინებით. აღნიშნული ქულის გამოთვლის მიზნით, ყოველი საგნის სემესტრული შეფასება მრავლდება საგნის კრედიტზე და მიღებული ნამრავლების ჯამი იყოფა მოცემული სემესტრის საგნების კრედიტების ჯამზე;

აკადემიური მოსწრების კრებსითი მონაცემები წარმოადგენს ნომენკლატურული აღრიცხვის დოკუმენტს.

5) გამოცდის მიმდინარეობით უკმაყოფილების ან მასთან დაკავშირებული სხვა პრეტენზიის არსებობის შემთხვევაში, იუნკერმა აღნიშნულის შესახებ უნდა მიმართოს გამოცდის დამკვირვებელს, რომელიც ვალდებულია აღნიშნული პრეტენზია დააფიქსიროს გამოცდის შენიშვნების ფურცელში (დანართი №2).

6) გამოცდის შედეგების უკმაყოფილების შემთხვევაში / შეფასების გასაჩივრების მიზნით იუნკერს შეუძლია წერილობითი ფორმით მიმართოს ბაკალავრიატის/მაგისტრატურის ხელმძღვანელს შედეგების გამოცხადებიდან 3 (სამი) სამუშაო დღის განმავლობაში.

7) გამოცდის მიმდინარეობისას საგამოცდო მასალაში აღმოჩენილი ხარვეზის შესახებ იუნკერის მიერ გამოთქმულ პრეტენზიას გამოცდის დამკვირვებელი აფიქსირებს, ასევე გამოცდის შენიშვნის ფურცელში (დანართი №2).

8) საგამოცდო ცენტრი შენიშვნების ფურცელს გადასცემს ბაკალავრიატს/მაგისტრატურას, რათა მოხდეს აღნიშნული საკითხის განხილვა საპრეტენზიო კომისიის მიერ.

## **მუხლი 6. დამატებითი და აღდგენითი გამოცდები**

1) **დამატებითი გამოცდები** იგეგმება დასკვნითი გამოცდების შეფასების შემდეგ. გამოცდები ტარდება იმავე ფორმატით, როგორც ჩატარდა დასკვნითი გამოცდა.

2) იუნკერს უფლება აქვს, გავიდეს დამატებით გამოცდაზე სასწავლო კურსში **FX** შეფასების მიღების შემთხვევაში ან/და იმ შემთხვევაში თუ ვერ დადასტავს დასკვნით გამოცდაზე დადგენილ მინიმალური კომპეტენციის ზღვარს და სასწავლო კურსში მისი შეფასება, დასკვნითი გამოცდის შედეგის გარეშე, არის არანაკლებ **FX (41 – 50 ქულა)**.

3) დამატებითი გამოცდა ინიშნება დასკვნითი გამოცდის შედეგების გამოცხადებიდან არანაკლებ 5 დღეში; აღნიშნული ვალდებულება არ ვრცელდება სამაგისტრო პროექტის/ნაშრომის, ან სხვა სამეცნიერო პროექტის/ნაშრომის მიმართ. იუნკერის მიერ დამატებით გამოცდაზე მიღებულ შეფასებას არ ემატება დასკვნით შეფასებაში მიღებული ქულათა რაოდენობა. დამატებით გამოცდაზე მიღებული შეფასება არის დასკვნითი შეფასება და აისახება საგანმანათლებლო პროგრამის კომპონენტის საბოლოო შეფასებაში.

6) დამატებით გამოცდაზე მიღებული შეფასების გათვალისწინებით საგანმანათლებლო კომპონენტის საბოლოო შეფასებაში **0-50** ქულის მიღების შემთხვევაში, იუნკერს უფორმდება შეფასება **F - 0** ქულა

7) **აღდგენითი გამოცდები** იგეგმება იუნკერის მიერ საკვატო მიზეზით გამოცდის გამოტოვების შემთხვევაში. აღდგენითი გამოცდა ტარდება იუნკერის აკადემიაში გამოცხადებიდან არა უგვიანეს 5 სამუშაო დღის განმავლობაში.

8) შუალედური ან დასკვნითი გამოცდის არასაკვატო მიზეზით გაცდენისას იუნკერს ეწერება 0 (ნული) ქულა. ამ შემთხვევაში დამატებით დასკვნით გამოცდაზე გასვლის საკითხი განისაზღვრება ინსტრუქციის მე-6 მუხლის მე-3 პუნქტის მოთხოვნათა შესაბამისად.

## **მუხლი 7. საგამოცდო დოკუმენტაციის მომზადება**

ბაკალავრიატის/მაგისტრატურის იუნკერების საგამოცდო დოკუმენტაციის მომზადება ხორციელდება „სსიპ - დავით აღმაშენებლის სახელობის ეროვნული თავდაცვის აკადემიაში ჩასატარებელი გამოცდებისათვის განსაზღვრული საგამოცდო საკითხების აკადემიურ საბჭოზე დამტკიცების ორგანიზების შესახებ“ აკადემიის რექტორის 2021 წლის 13 აგვისტოს No 346 ბრძანებისა და აკადემიის აკადემიური საბჭოს 2021 წლის 8 სექტემბრის იმავე სახელწოდების No 00914163 დადგენილების მოთხოვნათა შესაბამისად.

**შენიშვნა:** სამაგისტრო საგანმანათლებლო პროგრამის შემთხვევაში საგამოცდო დოკუმენტაციის მომზადება „აკადემიაში ILIAS სასწავლო ელექტრონული პლატფორმის საგამოცდო მოდულში“ ხდება მხოლოდ მისაღები გამოცდების დროს.

**მუხლი 8. იუნკერთა საგამოცდო ტესტური შეკითხვების მომზადების წესი საგამოცდო ცენტრში ბუკლეტით გამოცდის ჩატარების შემთხვევაში**

1) ყოველი შეკითხვა უნდა იწყებოდეს „@“ სიმბოლოთი;

2) პასუხების ყოველი ვარიანტი უნდა იწყებოდეს „&“ სიმბოლოთი და პასუხის ბოლო

ვარიანტი უნდა მთავრდებოდეს „\$“ სიმბოლოთი. პასუხების ვარიანტები უნდა ჩაიწეროს ცალ-ცალკე სტრიქონზე, ერთმანეთის ქვეშ; საგამოცდო მასალის ბოლო შეკითხვის პასუხების ბოლო ვარიანტი უნდა მთავრდებოდეს „@“, „&“ სიმბოლოებით, რაც დამთავრებას აღნიშნავს; თუ შეკითხვა შეიცავს ნახატს ან „ინსერტ“ მენიუდან ამოღებულ სიმბოლოს მაშინ ისუნდა იწყებოდეს „@“ სიმბოლოთი. თუ ზემოთ აღნიშნულ ჩანართს შეიცავს პასუხის ვარიანტი, ის უნდა იწყებოდეს „&“ სიმბოლოთი (ნახაზი ან სიმბოლო შესაძლებელია დაიწეროს იმავე ან ახალ სტრიქონზე); კომპლექსური შეკითხვების პირველი და ბოლო შეკითხვა აღინიშნება „@“, „#“ სიმბოლოებით; ყოველი შეკითხვის სწორი პასუხი ჩაიწერება პირველ ნომრად; საგამოცდო მასალებში დაუშვებელია „Header“ და „Footer“ –ის აღნიშვნების გამოყენება; საგამოცდო მასალა შესრულებული უნდა იყოს Rich Text Format (RTF)-ის სახით. ამავე ფორმატში მზადდება საგამოცდო ინსტრუქციაც; საგამოცდო მასალაში დაუშვებელია „მაკრო“, „ბულლეტ“ დაგვერდება; საგამოცდო მასალაში დანომვრა „@“, „#“, „\$“, „&“ უნდა მოხდეს ერთი და იმავე ზომის შრიფტით (11 sylfaen) (დანართი 3 - ნიმუში ტექსტის ბუკლეტისათვის).

### **მუხლი 9. იუნკერთა გამოცდის მიმდინარეობა საგამოცდო ცენტრში**

1) საგამოცდო აუდიტორიაში ერთ საგამოცდო მაგიდასთან უნდა განთავსდეს მხოლოდ ერთი იუნკერი.

2) საგამოცდო აუდიტორიაში იუნკერი დროულად იკავებს მისთვის განკუთვნილ ადგილს.

3) დაგვიანების შემთხვევაში იუნკერი გამოცდაზე არ დაიშვება. იუნკერის გამოცდაზე დაგვიანება დასაშვებია მხოლოდ დასაბუთებული მიზეზის არსებობის შემთხვევაში.

4) გამონაკლის შემთხვევაში დაგვიანებული იუნკერის გამოცდაზე დაშვების შესახებ გადაწყვეტილებას იღებს გამოცდის მონიტორინგის ჯგუფი, საგამოცდო ცენტრის უფროსთან შეთანხმებით. გამოცდის დაწყებამდე მონიტორინგის ჯგუფის წევრი (შემდგომში ტექსტში - დამკვირვებელი) იუნკერებს ატყობინებს გამოცდის დაწყებისა და დამთავრების დროს.

5) პაროლის და მომხმარებლის სახელის აღდგენა გამოცდაზე არ მოხდება და იუნკერები მოიხსნებიან გამოცდიდან. პაროლის და მომხმარებლის სახელის აღდგენა/გახსენება ხდება გამოცდის წინა დღეს, საგამოცდო ცენტრის დახმარებით.

6) საგამოცდო ცენტრში იუნკერი ვალდებულია:

- ჰქონდეს პირადობის დამადასტურებელი მოწმობა/ID ბარათი;
- არ გათიშოს ბრაუზერი;
- არ გათიშოს/არ დააპაუზოს ვიდეო რეგისტრატორი;
- არ გადატვირთოს კომპიუტერი;
- არ დააზიანოს ტექნიკა;
- არ გათიშოს უწყვეტი კვების წყარო (UPS);
- გამოცდის მსვლელობისას არ გათიშოს კომპიუტერი და არ გაწყვიტოს კავშირი ქსელთან. აღნიშნულის შემთხვევაში გამოცდა ჩაითვლება დასრულებულად და არ დაექვემდებარება აღდგენას.

7) გამოცდის მსვლელობისას იუნკერს ეკრძალება:

- მყარ დისკზე შესვლა და გამოცდისთვის საჭირო პროგრამების გარდა სხვა პროგრამებით სარგებლობა;
- ILIAS პლატფორმის გარდა სხვა საიტზე შესვლა;
- ეკრანზე განთავსებული „shortcut“-ების და აპლიკაციების (მიმმართველების) წაშლა/გამორთვა.
- ნებისმიერი სახის მანიპულაციები - პროგრამის ბრაუზერის იმ შესაძლებლობების გამოყენება რაც არ ემსახურება გამოცდის ჩაბარებას (მაგალითად, Refresh, Inspect დაა. შ.)

მეშვიდე პუნქტში ჩამოთვლილი მოთხოვნების დარღვევის შემთხვევაში იუკერი ტოვებს გამოცდას და მიღებული შედეგი განუღდება.

**8)** იუნკერს ეკრძალება გამოცდისთვის არასაჭირო ნივთების (მობილური ტელეფონის, პლანშეტური კომპიუტერის, პეიჯერის და სხვა ელექტო მოწყობილობების) შეტანა.

**9)** იუნკერს ეკრძალება სენსორულ ეკრანზე თითით მუშაობა.

**10)** იუნკერი ვალდებულია გამოცდის მსვლელობისას გამოიყენოს მხოლოდ ღილაკი „შემდეგი“ ან ღილაკი „წინ“. აკრძალულია სხვა ნებისმიერი სახის მანიპულაცია სწორი პასუხის მოპოვების მიზნით.

**11)** იუნკერი ვალდებულია გამოცდის მოთხოვნების შესაბამისად შესრულებული ფაილი ატვირთოს ILIAS პლატფორმაში, აუტვირთავი ფაილი არ შემოწმდება.

**12)** ასატვირთი საგამოცდო ფაილები იუნკერმა უნდა ატვირთოს საგამოცდო დროის დამთავრებამდე, არანაკლებ 5 წუთისა.

**13)** იუნკერი ვალდებულია გამოცდა დაასრულოს დამკვირვებელთან შეთანხმებით, საკუთარი „მომხმარებელი“ (ექაუნთი) არ დატოვოს აქტიური. თუ აღმოჩნდება, რომ სრულად არაა აქვს გავლილი საგამოცდო მასალა, მას არ ექნება გამოცდის აღდგენის უფლება იმ მიზეზით, რომ მან შეცდომით/არასწორი მოქმედებით ადრე დაასრულა გამოცდა.

**14)** უწყვეტი კვების წყაროს (UPS)/კომპიუტერის ავარიული გამორთვის შემთხვევაში, იუნკერი ვალდებულია აღნიშნულის შესახებ დაუყონებლივ აცნობოს გამოცდის მეთვალყურეს.

**15)** იუნკერის მიერ საგამოცდო მასალის არამართლზომიერი მოპოვების ან გადაწერის მცდელობის, გადაწერის, ე.წ. „შპარგალკის“ აღმოჩენის, კარნახის ან გამოცდისათვის ხელის შეშლის შემთხვევაში, რომელიც გამოვლინდება გამოცდის მიმდინარეობისას და რომელიც დადასტურდება სამეთვალყურეო კამერით გადაღებული კადრებიდან ან/და იუნკერის, ლექტორის / მასწავლებლის / ინსტრუქტორის /დამკვირვებლის და სხვა პერსონალის პატაკით, ახსნაგანმარტებით ან/და განცხადებით, იუნკერი მოიხსნება გამოცდიდან, მოხდება გამოცდისთვის განსაზღვრული ქულების განულება და საგამოცდო შეფასებად დაფიქსირდება „0“. აღნიშნულ დარღვევებთან დაკავშირებით შედგება საგამოცდო დისციპლინის დარღვევის ოქმი (დანართი № 4). ეს პრინციპი მოქმედებს იმ შემთხვევაშიც, თუკი გარკვეული მიზეზების გამო დარღვევის აღმოჩენა არ / ვერ მოხერხდება უშუალოდ გამოცდის მიმდინარეობის პროცესში და

ზემოხსენებული გადაცდომები დაფიქსირდება მონიტორინგის ჯგუფის მიერ სამეთვალყურეო კამერების ჩანაწერების ანალიზის შედეგად.

ყოველი საგამოცდო სესიის (შუალედური და დასკვნითი გამოცდების) დასრულების შემდეგ საგამოცდო ცენტრი უზრუნველყოფს საგამოცდო ვიდეოჩანაწერების შესწავლას და, საჭიროების შემთხვევაში შემდგომ ანალიზს, შერჩევითი წესით, ყოველი საგამოცდო აუდიტორიიდან სრული საგამოცდო დღის არანაკლებ სამი ჩანაწერისა თითოეულ მიმართულებაზე (სპეციალობაზე).

16) გამოცდის მიმდინარეობისას საგამოცდო დისციპლინის დარღვევასთან დაკავშირებით იუნკერისათვის მიცემული შენიშვნები გამოცდის დამკვირვებლის მიერ ფიქსირდება შენიშვნების ფურცელში (დანართი №2). ორი შენიშვნის მიღების შემთხვევაში იუნკერი იხსნება გამოცდიდან და ეწერება ნული ქულა.

17) იუნკერი ხელის მოწერით ადასტურებს, რომ გაეცნო საგამოცდო წესებს.

18) საგამოცდო დისციპლინის დაცვის მიზნით გამოცდის მიმდინარეობისას ხორციელდება მონიტორინგი, რომელსაც ახორციელებენ დამკვირვებლები. მონიტორინგს ახორციელებენ აკადემიის საგამოცდო ცენტრი, G-3/G-2 სამსახური და იუნკერთა სასწავლო ბატალიონი. მონიტორინგის ჯგუფის ყველა წევრი ვალდებულია თვალყური ადევნოს იუნკერთა ქცევას გამოცდაზე და ვალდებულია მისცეს შენიშვნა იუნკერს საგამოცდო დისციპლინის დარღვევასთან დაკავშირებით ამგვარის არსებობის შემთხვევაში, ამავდროულად შენიშვნების ფურცელში (დანართი №2) კეთდება შესაბამისი ჩანაწერი. მონიტორინგის ჯგუფის წევრები უფლებამოსილი არიან მიიღონ გადაწყვეტილება დისციპლინის ან აღნიშნული დებულების მე-9 მუხლში დაფიქსირებული სხვა დარღვევის გამო იუნკერის გამოცდიდან მოხსნის შესახებ. აღნიშნულ შემთხვევაში ასევე უნდა შედგეს საგამოცდო დისციპლინის დარღვევის ოქმი (დანართი № 4).

19) გამოცდის მიმდინარეობაში არ არიან ჩართულები იმ სასწავლო კურსის წამყვანი აკადემიური / მოწვეული პერსონალი / მასწავლებლები / ინსტრუქტორები, რომელშიც ტარდება გამოცდა.

20) საგამოცდო ინსტრუქტაჟი ტესტის სტრუქტურასა და საგამოცდო დავალებების შესრულების წესთან დაკავშირებით გამოცდაზე არ ჩატარდება. აღნიშნული ინსტრუქტაჟი იუნკერებს ჩაუტარდებათ გამოცდის წინა კონსულტაციაზე.

## **მუხლი 10. გამოცდის შედეგების შეფასება**

1) საბაკალავრო საგანმანათლებლო პროგრამის გამოცდის შედეგების შეფასება:

ა) წერთი გამოცდის ელექტრონული კომპიუტერული პლატფორმის გამოყენებით ჩატარების შემთხვევაში, გამოცდის ტესტური ნაწილის შეფასებას ავტომატურ რეჟიმში უზრუნველყოფს კომპიუტერული პროგრამა, ხოლო წერთი დავალებების შეფასებას ახორციელებს შესაბამისი სასწავლო კურსის ხელმძღვანელი. შედეგები ჩამოიტვირთება ელექტრონული კომპიუტერული პლატფორმიდან და შეიტანება იუნკერთა აკადემიური მოსწრების კრების მონაცემებში.

ბ) საგამოცდო ბილეთების გამოყენებით გამოცდის ჩატარებისას ტესტური ნაწილის შეფასება ხორციელდება საგამოცდო ცენტრში, პასუხების ბარათის ოპტიკური მკითხველისა და სპეციალური კომპიუტერული პროგრამის ან სწორი პასუხების შაბლონის გამოყენებით. წერთი დავალებების შეფასება ხორციელდება სასწავლო კურსის ხელმძღვანელის მიერ და შედეგები გადაეცემა საგამოცდო ცენტრს. ტესტური ნაწილისა და წერთი დავალებების შედეგები ერთიანდება და შეიტანება იუნკერთა აკადემიური



მოსწრების კრებსით მონაცემებში.

გ) საგამოცდო ბილეთების გამოყენებით ჩატარებული გამოცდების წერითი ნამუშევრები და პასუხების ბარათები ინახება საგამოცდო ცენტრში კანონმდებლობით განსაზღვრული ვადით.

**2) სამაგისტრო საგანმანათლებლო პროგრამის გამოცდის შედეგების შეფასება:**

ა) წერითი დავალებების შეფასება ხორციელდება სასწავლო კურსის ხელმძღვანელის მიერ და შედეგები გადაეცემა საგამოცდო ცენტრს. ტესტური ნაწილისა და წერითი დავალებების შედეგები ერთიანდება და შეიტანება იუნკერთა აკადემიური მოსწრების კრებსით მონაცემებში.

ბ) საგამოცდო ბილეთების გამოყენებით ჩატარებული გამოცდების წერითი ნამუშევრები და პასუხების ბარათები ინახება საგამოცდო ცენტრში კანონმდებლობით განსაზღვრული ვადით.

გ) საგამოცდო ბილეთების გამოყენებით ჩატარებული ზეპირი გამოცდა ხორციელდება ბაკალავრიატის/მაგისტრატურის მიერ. ზეპირ გამოცდას ატარებს სასწავლო კურსის სილაბუსის ხელმძღვანელი. გამოცდის ჩაწერა უნდა მოხდეს აუდიო/ვიდეო საშუალებით. ზეპირი გამოცდის ბილეთები და ვიდეო/აუდიო ჩანაწერი ინახება ბაკალავრიატში/მაგისტრატურაში იუნკერის მიერ საგანმანათლებლო პროგრამის დასრულებამდე. ზეპირ გამოცდას ესწრება სასწავლო პროგრამის ხელმძღვანელი/მიმართულების უფროსი, სასწავლო განყოფილების და საგამოცდო ცენტრის წარმომადგენელი. გამოცდის შედეგები გადაეცემა საგამოცდო ცენტრს.

### **მუხლი 11. იუნკერის ცოდნის მიღწევების შეფასება**

1) იუნკერის ცოდნის შეფასება ხდება „უმაღლესი საგანმანათლებლო პროგრამების კრედიტებით გაანგარიშების წესის“ საქართველოს განათლებისა და მეცნიერების მინისტრის 2007 წლის 5 იანვრის №3 ბრძანების შესაბამისად;

2) კრედიტის მიღება შესაძლებელია მხოლოდ სილაბუსით გათვალისწინებული სწავლის შედეგების მიღწევის შემდეგ, რაც გამოიხატება ამ მუხლის მე-3 პუნქტის „ა-ე“ ქვეპუნქტით გათვალისწინებული ერთ-ერთი დადებითი შეფასებით.

**3) შეფასების სისტემა უშვებს ხუთი სახის დადებით შეფასებას:**

ა) (A) ფრიადი – შეფასების 91-100 ქულა;

ბ) (B) ძალიან კარგი – მაქსიმალური შეფასების 81-90 ქულა;

გ) (C) კარგი – მაქსიმალური შეფასების 71-80 ქულა

დ) (D) დამაკმაყოფილებელი – მაქსიმალური შეფასების 61-70 ქულა;

ე) (E) საკმარისი – მაქსიმალური შეფასების 51-60 ქულა;

**4) შეფასების სისტემა უშვებს ორი სახის უარყოფით შეფასებას:**

ა) (FX) ვერ ჩააბარა – მაქსიმალური შეფასების 41-50 ქულა, რაც ნიშნავს, რომ იუნკერს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება;

ბ) (F) ჩაიჭრა – მაქსიმალური შეფასების 40 ქულა და ნაკლები, რაც ნიშნავს, ჩაიჭრა. იუნკერის სტატუსის შეწყვეტის საკითხს განიხილავს აკადემიური საბჭო.

### **მუხლი 12. ხარისხის დამადასტურებელი დიპლომის გაცემა**

1) უმაღლესი აკადემიური განათლების საგანმანათლებლო პროგრამების კურსდამთავრებულთა დიპლომის კატეგორიის განსაზღვრისათვის მთლიანი სასწავლო პროგრამის დასრულების შემდეგ, გაიანგარიშება პროგრამის დამამთავრებელი საშუალო ქულა. ამ ქულის გამოთვლისათვის ყოველი საგნის სემესტრული ქულა მრავლდება საგნის კრედიტზე და მიღებული ნამრავლების ჯამი იყოფა პროგრამის საერთო კრედიტების

ჯამზე. პროგრამის დამამთავრებელი საშუალო ქულის მიხედვით აკადემია კურსდამთავრებულებზე გასცემს შემდეგი ხარისხის დიპლომებს:

ა) წარჩინების დიპლომი გაიცემა იმ შემთხვევაში, თუ იუნკერის დიპლომის საშუალო ნიშანი (ე. წ. GPA) შეადგენს არანაკლებ 3,5-ს.

ბ) ყველა სასწავლო კურსში/კომპონენტში დადებითი შეფასება - ჩვეულებრივი დიპლომი.

2) საბაკალავრო/სამაგისტრო პროგრამის დასრულების შემდგომ ითვლება დიპლომის GPA.

დიპლომის საშუალო შეწონილი ქულა	შეფასება	საშუალო ქულა
4,00	A	95-100
3,50	A-	91-94
3,25	B+	87-90
3,00	B	84-86
2,75	B-	81-83
2,50	C+	77-80
2,25	C	74-76
2,00	C-	71-73
1,50	D	66-70
1,25	D-	61-65
1,00	E	51-60
	FX	41%-50%
	F	<41%







ტექსტის შედგენის ნიმუში საგამოცდო ბუკლეტისათვის

@é 03 K04 K

კითხვა:

& სწორი პასუხი

& პასუხი

& პასუხი

& პასუხი

& პასუხი \$

@é 03 K04 K

კითხვა:

& სწორი პასუხი

& პასუხი

& პასუხი

& პასუხი

& პასუხი \$

@é 03 K04 K

კითხვა:

& სწორი პასუხი

& პასუხი

& პასუხი

& პასუხი

& პასუხი \$

@&

